



Broj/Broj: 01/a – 50 – 1 – 15 - 63/09
Sarajevo/Sarajevo: 4.11. 2009.

ZAPISNIK
63. sjednice Predstavničkog doma
Parlamentarne skupštine Bosne i Hercegovine,
održane 4.11. 2009. godine

Sjednica je počela u 10 sati. Prisustvovalo je 38 poslanika.

Opravdano su odsustvovali: Zlatko Lagumdžija, Vinko Zorić, Jerko Ivanković Lijanović i Savo Erić.

Iz Vijeća ministara BiH sjednici su prisustvovali ministri: Bariša Čolak, Sredoje Nović, Mladen Zirojević i Dragan Vrankić, te zamjenik ministra Srđan Arnaut.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, Ambasade Velike Britanije i Japana, te nevladine organizacije Centri civilnih inicijativa.

Sjednici su prisustvovali: predsjednik Nezavisnog odbora kao nezavisnog tijela policijske strukture u BiH Žiko Krunić, te predstavnici Međunarodnog komiteta Crvenog križa, Međunarodne komisije za nestala lica i kompanije Japan Tobacco.

Na početku sjednice, u okviru prethodnih pitanja, predsjedavajući Milorad Živković informirao je Dom da je poslanik Denis Bećirović dostavio „Rezoluciju o historijskoj vrijednosti i važnosti prvog zasjedanja ZAVNOBiH-a (25. novembar 1943.) za državnost Bosne i Hercegovine, te da se, u skladu s članom 148. stav (2) Poslovnika Doma, Dom treba izjasniti da li da se Rezolucija uputi u nadležnu komisiju. Ako Dom usvoji ovaj prijedlog, Rezolucija će biti upućena nadležnoj komisiji. U suprotnom, bit će uvrštena u dnevni red 63. sjednice.

Dom je jednoglasno, sa 28 glasova „za“ (iz Federacije BiH 20, iz Republike Srpske osam), odlučio da se Rezolucija uputi nadležnoj komisiji.

Nakon prethodnih pitanja, predsjedavajući je dao uvodne napomene u vezi sa izmjenama i dopunama prijedloga dnevnog reda. Obrazložio je skidanje pojedinih tačaka zbog zahtjeva nadležnih komisija, dodavanje novih i preformuliranje određenih tačaka zbog negativnih mišljenja komisija.

U raspravi o dnevnom redu Denis Bećirović predložio je da se dnevni red dopuni tačkom: Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH.

U raspravi su učestvovali: Slavko Jovičić, Šefik Džaferović i Bakir Izetbegović.

Zatim se prešlo na glasanje o prijedlogu dopune dnevnog reda.

“Za” prijedlog Denisa Bećirovića glasala su 24 poslanika (iz Federacije BiH 22, iz Republike Srpske dva), “protiv” devet, a jedan je bio “suzdržan”. Predsjedavajući je konstatirao da nema dovoljne entitetske većine, ta da će Kolegij naknadno obaviti usaglašavanje o prijedlogu Denisa Bećirovića, o čemu će Dom biti obaviješten.

Prvi zamjenik predsjedavajućeg je za 63. sjednicu Predstavničkog doma konstatirao sljedeći

D N E V N I R E D

1. Usvajanje Zapisnika 62. sjednice Predstavničkog doma;
2. Poslanička pitanja:
 - a) Komentari na dobivene odgovore,
 - b) Nova poslanička pitanja,
3. Zahtjev poslanika Milorada Živkovića, Nike Lozančića i Beriza Belkića za razmatranje Prijedloga izmjena Poslovnika Predstavničkog doma Parlamentarne skupštine BiH po hitnom postupku, u skladu s članom 127. Poslovnika,
4. Prijedlog zakona o općoj sigurnosti proizvoda, predlagač: Vijeće ministara BiH, zakon broj: 01, 02 – 02 – 2 - 86/09, od 25. 9. 2009. (drugo čitanje),
5. Prijedlog zakona o izmjenama i dopunama Zakona o nadzoru nad tržištem u BiH, predlagač: Vijeće ministara BiH, zakon broj: 01, 02 – 02 – 2 - 84/09, od 25. 9. 2009. (drugo čitanje),
6. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH, zakon broj: 01,02-5-82/09, od 14.9.2009. (drugo čitanje),
7. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-5-80/09, od 14.9.2009., sa Izvještajem Ustavnopravne komisije,
8. Prijedlog zakona o izmjenama i dopunama Zakona o ravnopravnosti spolova u BiH, predlagač: Vijeće ministara BiH, zakon broj: 01, 02 – 02 – 3 - 87/09, od 25. 9. 2009. (drugo čitanje),
9. Prijedlog zakona o izmjeni Zakona o finansiranju političkih stranaka, predlagač: Vijeće ministara BiH, zakon broj: 01, 02 – 02 – 4 - 85/09, od 25. 9. 2009. (drugo čitanje),
10. Prijedlog zakona o duhanu BiH, predlagač: Vijeće ministara BiH, zakon broj: 01,02 – 02 – 2 - 89/09, od 30.9.2009. (prvo čitanje),
11. Prijedlog zakona o izmjenama i dopunama Zakona o nestalim licima, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku, zakon broj 01, 02 – 02 – 3 - 77/09, od 8. 9. 2009. (prvo čitanje),
12. Prijedlog zakona o Ustavnom sudu BiH, predlagač: poslanik Momčilo Novaković, zakon broj: 01, 02 – 02 – 5 - 93/09, od 13. 10. 2009., s Mišljenjem Ustavnopravne komisije,
13. Prijedlog zakona o dopuni Zakona o Vijeću ministara BiH, predlagač: poslanik Momčilo Novaković, zakon broj: 01, 02 – 02 – 5 - 91/09, od 13. 10. 2009. (prvo čitanje),
14. Prijedlog zakona o dopuni Zakona o reviziji institucija BiH, predlagač: poslanik Momčilo Novaković, zakon broj: 01, 02 – 02 – 4 - 95/09, od 13. 10. 2009., s Mišljenjem Komisije za finansije i budžet,

15. Prijedlog zakona o izmjeni Zakona o osnavama sigurnosti saobraćaja na putevima u BiH, predlagač: poslanik Momčilo Novaković, zakon broj: 01, 02 – 02 – 3 - 94/09, od 13. 10. 2009. (prvo čitanje),
16. Prijedlog zakona o dopuni Zakona o državnoj službi u institucijama BiH, predlagač: poslanik Momčilo Novaković, zakon broj: 01, 02 – 02 – 5 - 92/09, od 13. 10. 2009. (prvo čitanje),
17. Prijedlog zakona o učeničkom i studentskom standardu u BiH, predlagač: poslanik Denis Bećirović, zakon broj: 01, 02 – 7 – 96 /09, od 14. 10. 2009. (prvo čitanje),
18. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević, zakon broj: 01- 02 – 4 - 83/09, od 16. 9. 2009. (zakon u prvom čitanju),
19. Izvještaj komisije Kolegija o nastojanju za postizanje saglasnosti o Prijedlogu zakona o Agenciji za kontrolu i osiguranje prisilnog oduzimanja imovine stečene krivičnim djelima i upravljanje oduzetom imovinom, predlagač: Klub poslanika SDP-a BiH, zakon broj: 01-02-5-81/09, od 14.9.2009. (zakon u prvom čitanju),
20. Izvještaj komisije Kolegija o nastojanju za postizanje saglasnosti o Mišljenju Komisije za finansije i budžet o Prijedlogu zakona o dopuni Zakona o porezu na dodatu vrijednost, predlagač: Klub poslanika SNSD-a, zakon broj 01 – 02 – 4 - 35/09, od 10.4.2009.,
21. Izvještaj Posebne istražne komisije o nabavci automobila koje je Generalni sekretarijat Vijeća ministara BiH kupio u periodu od 15. 4. 2008. do 15.4.2009.,
22. Prijedlog poslovnika o radu Nezavisnog odbora kao nezavisnog tijela policijske strukture u BiH (akt Nezavisnog odbora broj: 01,02-34-6-1124/09, od 28. 9. 2009.)
23. Izvještaj komisije Kolegija o nastojanju za postizanje saglasnosti o Prijedlogu zaključka poslanika Mirka Okolića sa 62. sjednice Doma, održane 14. 10. 2009., – „da Vijeće ministara BiH kvartalno ažurira usvojene mjere za ublažavanje negativnih efekata globalne ekonomske krize u Bosni i Hercegovini dok za mjerama ima potrebe i o tome izvještava Predstavnički dom PSBiH“,
24. Izvještaj komisije Kolegija o nastojanju za postizanje saglasnosti o ostavci poslanika Rifata Dolića na mjesto člana Posebne istražne komisije,
25. Izvještaj sa sastanka političkih direktora država članica Jadranske povelje, održanog 20. 9. 2009., s Mišljenjem Zajedničke komisije za odbranu i sigurnost, broj: 01,02-05-438/09, od 27. 10. 2009.,
26. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o Pravobranilaštvu BiH,
27. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o slobodnim zonama u BiH,
28. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o sportu u BiH,
29. Davanje saglasnosti za ratifikaciju:
 - a) Sporazuma o finansiranju između Bosne i Hercegovine i Komisije Evropskih zajednica u pogledu „Jadranskog prekograničnog programa saradnje u okviru IPA-e“.

Ad. 1. Usvajanje Zapisnika 62. sjednice Predstavničkog doma

Nije bilo rasprave o Zapisniku.

Zapisnik 62. sjednice usvojen je s 30 glasova „za“ (iz Federacije BiH 20, iz Republike Srpske 10), jednim glasom „protiv“ i bez „sadržanih“ glasova.

Ad. 2. Poslanička pitanja

Prvi zamjenik predsjedavajućeg Niko Lozančić konstatirao je da su od prošle do ove sjednice odgovore na pitanja dobili:

- od Vijeća ministara BiH:
 - Željko Kuzmanović,
 - Rifat Dolić (dva odgovora),
 - Sadik Bahtić,
 - Sefer Halilović,
 - Šefik Džaferović,
 - Mirko Okolić - na pitanja postavljena na 59. sjednici,
- od Granične policije BiH:
 - Rifat Dolić – na pitanje postavljeno na 61. sjednici,
 - Šemsudin Mehmedović - na pitanje postavljeno na 59. sjednici,
- Denis Bećirović – od Ministarstva pravde BiH - na pitanje postavljeno na 62. sjednici,
- Vinko Zorić – od Radiotelevizije FBiH - na pitanje postavljeno na 59. sjednici,
- Azra Alajbegović – od Agencije za lijekove i medicinska sredstva - na pitanje postavljeno na 61. sjednici,

Vezano za urgenciju od 9. 10. 2009., upućenu institucijama koje nisu odgovorile na postavljena pitanja, do današnje sjednice odgovore su dostavili:

- Tužilaštvo BiH – na pitanja poslanika: Denisa Bećirovića, Milice Marković, Željka Kuzmanovića, Selima Bešlagića, Salka Sokolovića i Milorada Živkovića.
- Visoko sudsko i tužilačko vijeće BiH – na pitanja poslanika Azre Hadžiahmetović i Nike Lozančića,
- Radiotelevizija BiH – na pitanje poslanika Huseina Nanića,
- Ministarstvo sigurnosti BiH, Ured za veterinarstvo BiH i Institut za standardizaciju – na pitanja poslanika Azre Alajbegović,
- Ministarstvo za ljudska prava i izbjeglice BiH i Vlada FBiH – na pitanja poslanika Huseina Nanića i
- Ustavni sud BiH – na pitanje poslanika Milorada Živkovića.

Dobivene odgovore komentirali su: Mirko Okolić, Azra Hadžiahmetović, Denis Bećirović, Željko Kuzmanović i Husein Nanić.

U okviru komentara na dobivene odgovore, ponovljena su ranije postavljena pitanja kako slijedi:

Azra Hadžiahmetović

„Koliko ima imenovanih sudija s mandatom koji su navršili starosnu dob propisanu za obavezan odlazak u penziju? Koji su razlozi rukovodili Visoko sudsko i tužilačko vijeće BiH da se opredijeli za imenovanje, odnosno mandat sudija i zašto se ne primjenjuje pravilo o starosnoj dobi za prestanak mandata? Na osnovu čijeg i kakvog dokumenta je Visoko sudsko

i tužilačko vijeće BiH cijenilo ispunjavanje prvog uslova za imenovanje sudija – "da ima psihofizičke sposobnosti?"

Denis Bećirović

1. Koje će konkretne mjere preduzeti *Ministarstvo pravde BiH* u Vijeću ministara BiH nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite elementarnih ljudskih prava? S obzirom na izrazito loše zdravstveno stanje državljanina BiH Ilije Jurišića, tražim da mi se na ova pitanja odgovori najkasnije u roku od sedam dana. S obzirom da je u ponedjeljak, 19. oktobra 2009., zakazan veliki miting građana Tuzle i BiH u Tuzli, zamolio bih, ako je moguće i prije početka tog mitinga u ponedjeljak, da dobijem konkretne odgovore na ova pitanja.
2. Koje će konkretne mjere preduzeti *Ministarstvo vanjskih poslova BiH* u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite njegovih elementarnih ljudskih prava? S obzirom na izrazito loše zdravstveno stanje državljanina BiH Ilije Jurišića, tražim da mi se na ova pitanja odgovori najkasnije u roku od sedam dana. S obzirom da je u ponedjeljak 19. oktobra zakazan veliki miting građana Tuzle i BiH u Tuzli, zamolio bih, ako je moguće i prije početka tog mitinga u ponedjeljak, da dobijem konkretne odgovore na ova pitanja.
3. Koje će konkretne mjere preduzeti *Ministarstvo za ljudska prava i izbjeglice BiH* u Vijeću ministra BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite njegovih elementarnih ljudskih prava?

Nova poslanička pitanja postavljena su u pisanoj formi kako slijedi:

Martin Raguž

1. BiH još uvijek, prema službenim pokazateljima, ima izrazito neriješen problem povratka i to za više od 200 hiljada izbjeglih i raseljenih lica koja se žele vratiti svojim domovima. Za ovaj posao neophodno je obnoviti oko 45 hiljada stambenih jedinica i osigurati uslove za održivi povratak. Minimalna procijenjena vrijednost ovih aktivnosti iznosi blizu milijardu KM. U tom smislu Vijeće ministara BiH i Parlamentarna skupština BiH zadužili su bili Ministarstvo za ljudska prava i izbjeglice BiH i Ministarstvo finansija i trezora BiH da nađu povoljne kreditne aranžmane u inozemstvu za finansiranje i realiziranje ovog projekta do kraja. Tražim od Ministarstva za ljudska prava i izbjeglice BiH i Ministarstva finansija i trezora BiH da odgovore na pitanje: *U kojoj je fazi realizacija ovih zaključaka Parlamentarne skupštine BiH, kakvi su dosadašnji učinci i kakve su projekcije za naredni period?*
2. Da li je Ministarstvo pripremio i dalo u proceduru usvajanja novi tekst Revidirane strategije povratka za provođenje Aneksa VII. Dejtonskog mirovnog sporazuma i ako nije, zašto nije i kada će to učiniti?

Selim Bešlić

1. Koje su sve domaće institucije uključene u proceduru kada u našu zemlju stigne Interpolova „crvena potjernica“? Da li te procedure podrazumijevaju neku vrstu saglasnosti domaćih institucija i kojih, prije nego što se počne postupati po ovim potjernicama? U konkretnom slučaju, ako su te saglasnosti zaista potrebne, interesira me kako je tekla procedura realizacije Interpolove potjernice u slučaju četvorice

Tuzlaka, među kojima sam i ja, kada su uhapšeni i privedeni ekstradicionom sudiji Suda BiH?

2. Zbog čijih opstrukcija Odbor Javnog RTV sistema BiH probija zakonske rokove za usvajanje Statuta Korporacije javnih RTV servisa BiH? Tražim da Vijeće ministara BiH, zajedno s drugim nadležnim institucijama, odgovori na razloge probijanja ovih zakonskih rokova.“

Denis Bećirović

1. Koliko je Ministarstvo za ljudska prava i izbjeglice u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
2. Koliko je Ministarstvo vanjskih poslova u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
3. Koliko je Ministarstvo finansija i trezora u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
4. Koliko je Ministarstvo komunikacija i prometa u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
5. Koliko je Ministarstvo civilnih poslova u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
6. Koliko je Ministarstvo pravde u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
7. Koliko je Ministarstvo sigurnosti u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,

- namjena automobila (za čije potrebe je kupljen).
8. Koliko je Ministarstvo odbrane u Vijeću ministara BiH od 1. januara 2007. do 28. oktobra 2009. kupilo automobila? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).
 9. Koliko je za potrebe Parlamentarne skupštine BiH kupljeno automobila od 1. januara 2007. do 28. oktobra 2009. godine? Tražim da mi se tačno navede:
 - datum i godina kupovine automobila;
 - tip automobila;
 - tačna cijena automobila,
 - namjena automobila (za čije potrebe je kupljen).

Rifat Dolić

1. U skladu s Poslovníkom Predstavničkog doma, Vijeću ministara BiH i nadležnom ministarstvu podnosim poslaničku inicijativu za donošenje odgovarajućih propisa i planiranje sredstava u Budžetu institucija BiH za 2010. godinu, u svrhu reguliranja stalnih naknada za zaslužne sportiste u BiH.
2. Prema kojim propisima i ko vrši imenovanje oficira za vezu s Haškim tribunalom, kome su odgovorni, kome podnose izvještaje o svom radu i da li su nacionalni oficiri za vezu propisano ili još jedno nepisano pravilo nacionalnih kuhinja i kuhara u BiH?
3. Da li je, u skladu s važećom zakonskom regulativom u BiH i Federaciji BiH, dozvoljeno i moralno, u vrijeme kada ekonomska kriza i recesija u BiH uzimaju svoj krvavi danak, da banke jednostrano povećavaju kamatnu stopu na odobrene kredite, jednostrano nudeći aneks ugovora u kojem to reguliraju kao, navodno, dobrovoljan čin, a u praksi se radi o nametanju, retroaktivnoj primjeni i grubim zelenaškim ucjenama koje su klijenti prinuđeni prihvatiti, jer kratkoročno nemaju drugog izbora?

Sadik Bahtić

1. „Da se formira posebna istražna komisija Predstavničkog doma Parlamentarne skupštine BiH čiji je zadatak da utvrdi razmjere korupcije u organima vlasti na čijem se čelu nalaze kadrovi iz SDP-a, s posebnim osvrtom na grad Sarajevo“
2. „Kako je propala planirana akcija primopredaje označenog novca čelnicima SDP-a i ko je od istražitelja 'provalio' akciju, samo dan nakon planirane predaje obilježenog novca, te spriječio hapšenje organizirane kriminalne grupe u vrhu SDP-a?“

Remzija Kadrić

Šta Upravni odbor i menadžment RTVBH preduzimaju da se osigura pokrivenost signala na cijeloj teritoriji BiH, a pogotovo na području Mjesne zajednice Janja, općina Bijeljina?

Husein Nanić

„Tražim od Ministarstva sigurnosti BiH informaciju o navodima iz dopisa zamjenika direktora Agencije za forenzička ispitivanja i vještačenja, odnosno o stanju u navedenoj Agenciji. Ako su ovi navodi tačni, tražim od Ministarstva sigurnosti BiH da postupi prema njima i dostavi informaciju o tome šta je urađeno po tom dopisu.“

Adem Huskić

„Jučer je u selu Večići, općina Kotor Varoš, obilježena 17. godišnjica stradanja 163 mještanina, civila, Bošnjaka. Na jednoj lokaciji u selu Plitska, u općini Kotor Varoš, ekshumirano je pet tijela. To je bilo 2002. godine i DNK analiza pokazala je da se radi o licama iz ove grupe.

S obzirom da do sada nije bilo adekvatne reakcije, pitam: „Da li će biti podignuta optužnica protiv lica koja su organizirala i izvršila pomenuti zločin? Šta su pravosudni organi do sada preduzeli na rješavanju ovog slučaja?“

Milorad Živković

„Šta će konkretno učiniti Ministarstvo vanjskih poslova BiH kako bi se u što kraćem roku potpisao bilateralni Sporazum o dvojnem državljanstvu sa Australijom?“

Ad. 3. Zahtjev poslanika Milorada Živkovića, Nike Lozančića i Beriza Belkića za razmatranje Prijedloga izmjena Poslovnika Predstavničkog doma Parlamentarne skupštine BiH po hitnom postupku, u skladu s članom 127. Poslovnika

Predsjedavajući Milorad Živković rekao je da se radi o tehničkoj promjeni Poslovnika Predstavničkog doma, kojim se samo usklađuje vrijeme amandmanske faze s kalendarom rada institucija, te da je to razlog za zahtjev da se razmatra po hitnom zakonodavnom postupku, što je i Kolegij u proširenom sastavu konsenzusom prihvatio.

U raspravi su učestvovali: Momčilo Novaković, Milorad Živković i Mirko Okolić.

Dom je, s 27 glasova „za“ (iz Federacije BiH 17, iz Republike Srpske 10), bez glasova „protiv“ i tri „suzdržana“ glasa, usvojio zahtjev za hitni postupak.

Zatim je, s 29 glasova „za“ (iz Federacije BiH 19, iz Republike Srpske 10), bez glasova „protiv“ i četiri „suzdržana“ glasa, usvojen Prijedlog izmjena Poslovnika Predstavničkog doma Parlamentarne skupštine BiH.

Ad. 4. Prijedlog zakona o općoj sigurnosti proizvoda, predlagač: Vijeće ministara BiH, zakon broj: 01, 02 – 02 – 2 - 86/09, od 25. 9. 2009. (drugo čitanje)

Nakon uvodnih napomena predsjedavajućeg, nije bilo rasprave.

Predstavnički dom je, s 32 glasa „za“ (iz Federacije BiH 21, iz Republike Srpske 11), bez glasova „protiv“ i dva „suzdržana“ glasa, usvojio Prijedlog zakona o općoj sigurnosti proizvoda u drugom čitanju.

Ad. 5. Prijedlog zakona o izmjenama i dopunama Zakona o nadzoru nad tržištem u BiH, predlagač: Vijeće ministara BiH, zakon broj: 01, 02 – 02 – 2 - 84/09, od 25. 9. 2009. (drugo čitanje)

Nakon uvodnih napomena predsjedavajućeg, u raspravi su učestvovali: Beriz Belkić, Slavko Jovičić i Mirko Okolić.

S 31 glas „za“ (iz Federacije BiH 20, iz Republike Srpske 11), bez glasova „protiv“ i dva „suzdržana“ glasa, Zakon je usvojen u drugom čitanju.

Ad. 6. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH, zakon broj: 01,02-5-82/09, od 14.9.2009. (drugo čitanje)

Predsjedavajući je dao kratke uvodne napomene, nakon čega nije bilo rasprave u okviru ove tačke dnevnog reda.

S 30 glasova „za“ (iz Federacije BiH 19, iz Republike Srpske 11), bez glasova „protiv“ i četiri „suzdržana“ glasa, Zakon je usvojen u drugom čitanju.

Ad. 7. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-5-80/09, od 14.9.2009., sa Izvještajem Ustavnopravne komisije

Predsjedavajući je dao kratke napomene, nakon kojih su u opširnoj raspravi učestvovali: Šefik Džaferović, Milorad Živković, Drago Kalabić, Bakir Izetbegović, Remzija Kadrić, Ekrem Ajanović, Halid Genjac, Mirko Okolić, Niko Lozančić, Momčilo Novaković, Adem Huskić, Velimir Jukić, Denis Bećirović, Sadik Ahmetović, Azra Hadžiahmetović, te zamjenik ministra pravde Srđan Arnaut.

„Za“ Izvještaj Ustavnopravne komisije glasalo je osam poslanika (iz Federacije BiH sedam, iz Republike Srpske jedan), „protiv“ 21 poslanik (iz Federacije BiH devet, iz Republike Srpske 12), a četiri su bila „suzdržana“. Dom nije prihvatio Izvještaj, te je Prijedlog zakona vraćen Komisiji radi dostavljanja novog izvještaja.

Dom je, s 28 glasova „za“ (iz Federacije BiH 15, iz Republike Srpske 13), bez glasova „protiv“ i pet „suzdržanih“ glasova, usvojio usaglašeni prijedlog zaključka Kolegija Doma i Adema Huskića koji glasi:

„Potrebno je da Ustavnopravna komisija Predstavničkog doma, u postupku ponovnog razmatranja Prijedloga zakona o upravi, samo u ovom slučaju, omogući ulaganje amandmana koji se odnose na nove aspekte ili kada nastoje usaglasiti dva ili više prijedloga o kojima se vodi rasprava.“

Ad. 8. Prijedlog zakona o izmjenama i dopunama Zakona o ravnopravnosti spolova u BiH, predlagač: Vijeće ministara BiH, zakon broj: 01, 02 – 02 – 3 - 87/09, od 25. 9. 2009. (drugo čitanje)

Nakon uvodnih napomena predsjedavajućeg, u raspravi su učestvovali: Mirjana Malić, Momčilo Novaković, Husein Nanić, Azra Alajbegović, Bakir Izetbegović, Slavko Jovičić i Mehmed Suljkanović.

Dom je jednoglasno, s 33 glasa „za“ (iz Federacije BiH 20, iz Republike Srpske 13), usvojio Prijedlog zakona u drugom čitanju.

Ad. 9. Prijedlog zakona o izmjeni Zakona o finansiranju političkih stranaka, predlađač: Vijeće ministara BiH, zakon broj: 01, 02 – 02 – 4 - 85/09, od 25. 9. 2009. (drugo čitanje)

Predsjedavajući Milorad Živković dao je kratke uvodne napomene, nakon čega nije bilo rasprave o ovoj tački dnevnog reda.

S 25 glasova „za“ (iz Federacije BiH 15, iz Republike Srpske 10), osam glasova „protiv“ i jednim „suzdržanim“ glasom, Dom je usvojio Prijedlog zakona u drugom čitanju.

Ad.10. Prijedlog zakona o duhanu BiH, predlađač: Vijeće ministara BiH, zakon broj: 01,02 – 02 – 2 - 89/09, od 30.9.2009. (prvo čitanje)

Predsjedavajući je dao uvodne napomene. U raspravi su učestvovali: Jozo Križanović, Velimir Jukić, Ekrem Ajanović, Remzija Kadrić, Slavko Jovičić, Lazar Prodanović, Salko Sokolović, Beriz Belkić i Momčilo Novaković.

S 31 glasom „za“ (iz Federacije BiH 20, iz Republike Srpske 11), bez glasova „protiv“ i tri „suzdržana“ glasa, Prijedlog zakona usvojen je u prvom čitanju.

Ad. 11. Prijedlog zakona o izmjenama i dopunama Zakona o nestalim licima, predlađač: Zajednička komisija za ljudska prava, prava djeteta, mlade, imigraciju, izbjeglice, azil i etiku, zakon broj 01, 02 – 02 – 3 - 77/09, od 8. 9. 2009. (prvo čitanje)

Drugi zamjenik predsjedavajućeg Beriz Belkić dao je kratke uvodne napomene, nakon čega nije bilo rasprave u okviru ove tačke dnevnog reda.

„Za“ Prijedlog zakona glasala su 23 poslanika (iz Federacije BiH 21, iz Republike Srpske dva), tri poslanika bila su „protiv“ a osam je bilo „suzdržano“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Ad. 12. Prijedlog zakona o Ustavnom sudu BiH, predlađač: poslanik Momčilo Novaković, zakon broj: 01, 02 – 02 – 5 - 93/09, od 13. 10. 2009., s Mišljenjem Ustavnopravne komisije

Beriz Belkić dao je kratke uvodne napomene. U raspravi su učestvovali: Momčilo Novaković, Denis Bećirović, Šefik Džaferović, Martin Raguž, Drago Kalabić, Ekrem Ajanović, Adem Huskić, Mirko Okolić, Milorad Živković, Velimir Jukić i Jozo Križanović.

„Za“ Mišljenje Ustavnopravne komisije glasalo je 17 poslanika (iz Federacije BiH 15, iz Republike Srpske dva), „protiv“ je glasalo 11, a pet je bilo „suzdržanih“.

Predsjedavajući je konstatirao da nema entitetske većine, te je Kolegij odmah proveo usaglašavanje. Kako nije postignuta saglasnost, prešlo se na glasanje u drugom krugu.

S 18 glasova „za“ (iz Federacije BiH 16, iz Republike Srpske dva), 11 glasova „protiv“ (iz Republike Srpske) i pet „suzdržanih“ glasova, Dom nije prihvatio Mišljenje Ustavnopravne komisije, te je Prijedlog zakona vraćen Komisiji radi dostavljanja novog mišljenja.

Ad. 13., 14. i 16.

Predsjedavajući je predložio da se vodi zajednička rasprava o Prijedlogu zakona o dopuni Zakona o Vijeću ministara BiH, Prijedlogu zakona o dopuni Zakona o reviziji institucija BiH, s Mišljenjem Komisije za finansije i budžet i Prijedlogu zakona o dopuni Zakona o državnoj službi u institucijama BiH, predlagača poslanika Momčila Novakovića. Kako niko nije bio protiv ovog prijedloga, predsjedavajući je otvorio raspravu o ove tri tačke dnevnog reda.

U raspravi su učestvovali: Momčilo Novaković, Bajazit Jašarević, Beriz Belkić, Husein Nanić, Salko Sokolović, Lazar Prodanović, Selim Bešlagić, Sadik Bahtić, Slavko Jovičić, Remzija Kadrić, Adem Huskić, Velimir Jukić, Jozo Križanović, Mirko Okolić i Azra Hadžiahmetović.

Predstavnički dom, sa 13 glasova „za“ (iz Federacije BiH dva, iz Republike Srpske 11), 15 glasova „protiv“ (iz Federacije BiH 13, iz Republike Srpske dva) i šest „suzdržanih“ glasova, nije usvojio Prijedlog zakona o dopuni Zakona o Vijeću ministara BiH, predlagača poslanika Momčila Novakovića.

Dom je, sa 28 glasova „za“ (iz Federacije BiH 17, iz Republike Srpske 11), jednim glasom „protiv“ i tri „suzdržana“ glasa, usvojio zaključak Azre Hadžiahmetović koji glasi:

„1. Potrebno je Prijedlog zakona o dopuni Zakona o Vijeću ministara BiH, Prijedlog zakona o dopuni Zakona o reviziji institucija BiH, Prijedlog zakona o dopuni Zakona o državnoj službi u institucijama BiH i transkript rasprave o zakonima dostaviti Uredu za reviziju institucija BiH.

2. Traži se od Ureda za reviziju institucija BiH da Parlamentarnoj skupštini BiH dostavi prijedlog rješenja u pravcu jačanja instituta odgovornosti za propuste u finansijskom poslovanju.“

S 15 glasova „za“ (iz Federacije BiH 13, iz Republike Srpske dva), 16 glasova „protiv“ (iz Federacije BiH pet, iz Republike Srpske 11) i tri „suzdržana“ glasa, Dom nije prihvatio Mišljenje Komisije za finansije i budžet, te je Prijedlog zakona o dopuni Zakona o reviziji institucija BiH, predlagača poslanika Momčila Novakovića, vraćen Komisiji radi dostavljanja novog mišljenja.

Predstavnički dom, sa 13 glasova „za“ (iz Federacije BiH dva, iz Republike Srpske 11), 15 glasova „protiv“ (iz Federacije BiH 13, iz Republike Srpske dva) i šest „suzdržanih“ glasova, nije usvojio Prijedlog zakona o dopuni Zakona o državnoj službi u institucijama BiH, predlagača poslanika Momčila Novakovića.

Ad. 15. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković, zakon broj: 01, 02 – 02 – 3 - 94/09, od 13. 10. 2009. (prvo čitanje)

Predsjedavajući je dao uvodne napomene, nakon čega su u raspravi učestvovali: Husein Nanić, Željko Kuzmanović i Momčilo Novaković.

Sa 29 glasova „za“ (iz Federacije BiH 16, iz Republike Srpske 13), bez glasova „protiv“ i pet „suzdržanih“ glasova, Dom je usvojio Prijedlog zakona u prvom čitanju.

Ad. 17. Prijedlog zakona o učeničkom i studentskom standardu u BiH, predlagač: poslanik Denis Bećirović, zakon broj: 01, 02 – 7 – 96 /09, od 14. 10. 2009. (prvo čitanje)

Nakon kratkih napomena predsjedavajućeg Milorada Živkovića u raspravi su učestvovali: Denis Bećirović, Vesna Šain, Beriz Belkić, Drago Kalabić, Mirjana Malić, Azra Alajbegović, Niko Lozančić, Željko Kuzmanović, Azra Hadžiahmetović, Bakir Izetbegović i Remzija Kadrić.

„Za“ Prijedlog zakona glasalo je 20 poslanika (iz Federacije BiH 18, iz Republike Srpske dva), 11 poslanika je glasalo „protiv“, a tri su bila „suzdržana“. Predsjedavajući je konstatirao da nema entitetske većine, te je Kolegij odmah proveo usaglašavanje. Kako nije postignuta saglasnost, prešlo se na glasanje u drugom krugu.

S 19 glasova „za“ (iz Federacije BiH 17, iz Republike Srpske dva), 11 glasova „protiv“ (iz Republike Srpske) i tri glasa „suzdržan“, Prijedlog zakona nije usvojen u prvom čitanju.

Ad. 18. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević, zakon broj: 01- 02 – 4 - 83/09, od 16. 9. 2009. (zakon u prvom čitanju)

Predsjedavajući je podsjetio da Kolegij nije postigao saglasnost.

U drugom krugu glasanja, sa 20 glasova „za“ (iz Federacije BiH 18, iz Republike Srpske dva), devet glasova „protiv“ (iz Republike Srpske) i četiri „suzdržana“ glasa, Predstavnički dom usvojio je Prijedlog zakona o izmjenama i dopunama Zakona o javnim nabavkama BiH u prvom čitanju.

Ad. 19. Izvještaj komisije Kolegija o nastojanju za postizanje saglasnosti o Prijedlogu zakona o Agenciji za kontrolu i osiguranje prisilnog oduzimanja imovine stečene krivičnim djelima i upravljanje oduzetom imovinom, predlagač: Klub poslanika SDP-a BiH, zakon broj: 01-02-5-81/09, od 14.9.2009. (zakon u prvom čitanju)

Milorad Živković napomenuo je da Kolegij nije postigao saglasnost.

U drugom krugu glasanja, sa 22 glasa „za“ (iz Federacije BiH 20, iz Republike Srpske dva), 11 glasova „protiv“ (iz Republike Srpske) i bez „suzdržanih“ glasova, Predstavnički

dom nije usvojio Prijedlog zakona o Agenciji za kontrolu i osiguranje prisilnog oduzimanja imovine stečene krivičnim djelima i upravljanje oduzetom imovinom BiH u prvom čitanju.

Ad. 20. Izvještaj komisije Kolegija o nastojanju za postizanje saglasnosti o Mišljenju Komisije za finansije i budžet o Prijedlogu zakona o dopuni Zakona o porezu na dodatu vrijednost, predlažać: Klub poslanika SNSD-a, zakon broj 01 – 02 – 4 - 35/09, od 10.4.2009.

Predsjedavajući je u uvodnim napomenama rekao da nije postignuta saglasnost u Kolegiju o Mišljenju Komisije.

U drugom krugu glasanja, sa 18 glasova „za“ (iz Federacije BiH 16, iz Republike Srpske dva), 13 glasova „protiv“ (iz Federacije BiH tri, iz Republike Srpske 10) i dva „suzdržana“ glasa, Predstavnički dom nije prihvatio Mišljenje Komisije za finansije i budžet, te je Prijedlog zakona vraćen Komisiji radi dostavljanja novog mišljenja.

Ad. 21. Izvještaj Posebne istražne komisije o nabavci automobila koje je Generalni sekretarijat Vijeća ministara BiH kupio u periodu od 15. 4. 2008. do 15. 4. 2009.

Predsjedavajući Živković dao je kratke uvodne napomene. U raspravi su učestvovali: Rifat Dolić, Momčilo Novaković, Azra Hadžiahmetović, Denis Bećirović, Milica Marković, Branko Dokić, Milorad Živković, Sellim Bešlagić, Drago Kalabić, Mirjana Malić, Jozo Križanović i Slavko Jovičić.

„Za“ Izvještaj je glasalo 11 poslanika (iz Federacije BiH dva, iz Republike Srpske devet), „protiv“ je glasao 21 poslanik (iz Federacije BiH 17, iz Republike Srpske četiri), a jedan je bio „suzdržan“, te Dom nije usvojio Izvještaj Posebne istražne komisije.

Ad. 22. Prijedlog Poslovnika o radu Nezavisnog odbora kao nezavisnog tijela policijske strukture u BiH (akt Nezavisnog odbora broj: 01,02-34-6-1124/09, od 28. 9. 2009.)

Nakon uvodnih napomena predsjedavajućeg, u raspravi je učestvovao Šefik Džaferović.

Predstavnički dom je, s 30 glasova „za“ (iz Federacije BiH 17, iz Republike Srpske 13), bez glasova „protiv“ i četiri „suzdržana“ glasa, usvojio Poslovnik u novom integralnom tekstu s ugrađenim primjedbama i prijedlozima.

Ad. 23. Izvještaj komisije Kolegija o nastojanju za postizanje saglasnosti o Prijedlogu zaključka poslanika Mirka Okolića sa 62. sjednice Doma, održane 14. 10. 2009., – „da Vijeće ministara BiH kvartalno ažurira usvojene mjere za ublažavanje negativnih efekata globalne ekonomske krize u Bosni i Hercegovini dok za mjerama ima potrebe i o tome izvještava Predstavnički dom PSBiH“

Predsjedavajući je podsjetio da Kolegij nije postigao saglasnost.

U drugom krugu glasanja, sa 19 glasova „za“ (iz Federacije BiH 15, iz Republike Srpske četiri), 12 glasova „protiv“ (iz Federacije BiH tri, iz Republike Srpske devet) i dva „suzdržana“ glasa, Predstavnički dom usvojio je Prijedlog zaključka poslanika Mirka Okolića.

Ad. 24. Izvještaj komisije Kolegija o nastojanju za postizanje saglasnosti o ostavci poslanika Rifata Dolića na mjesto člana Posebne istražne komisije

Predsjedavajući je podsjetio da Kolegij nije postigao saglasnost.

Dom nije glasao o ovoj tački dnevnog reda, s obzirom da nije usvojen Izvještaj Posebne istražne komisije o nabavci automobila koje je Generalni sekretarijat Vijeća ministara BiH kupio u periodu od 15. 4. 2008. do 15.4.2009., čime je Komisija završila rad.

Ad. 25. Izvještaj sa sastanka političkih direktora država članica Jadranske povelje, održanog 20. 9. 2009., sa Mišljenjem Zajedničke komisije za odbranu i sigurnost broj: 01,02-05-438/09, od 27. 10. 2009.

Nakon uvodnih napomena predsjedavajućeg, nije bilo rasprave o ovoj tački dnevnog reda.

„Za“ Izvještaj je glasao 21 poslanik (iz Federacije BiH 17, iz Republike Srpske četiri), niko nije bio „protiv“ a 13 poslanika bilo je „suzdržano“. Predsjedavajući je konstatirao da nema entitetske većine, te je Kolegij odmah proveo usaglašavanje. Kako nije postignuta saglasnost, prešlo se na glasanje u drugom krugu.

Dom je, s 20 glasova „za“ (iz Federacije BiH 16, iz Republike Srpske četiri), bez glasova „protiv“ i 12 „suzdržanih“ glasova, usvojio Izvještaj s Mišljenjem Zajedničke komisije za odbranu i sigurnost BiH.

Ad. 26. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o Pravobranilaštvu BiH

Predsjedavajući je u uvodnim napomenama kazao da se radi o Zakonu koji su domovi usvojili u različitom tekstu, te da je prijedlog da se iz Predstavničkog doma imenuju: Remzija Kadrić, Velimir Jukić i Lazar Prodanović.

Dom je, s 25 glasova „za“ (iz Federacije BiH 16, iz Republike Srpske devet), jednim „protiv“ i sedam „suzdržanih“ glasova, u Zajedničku komisiju radi usaglašavanja identičnog teksta Zakona o izmjenama i dopunama Zakona o Pravobranilaštvu BiH imenovao: Remziju Kadrića, Velimira Jukića i Lazara Prodanovića.

Ad. 27. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o slobodnim zonama u BiH

Predsjedavajući Milorad Živković podsjetio da se radi o Zakonu koji su domovi usvojili u različitom tekstu, te da je prijedlog da se iz Predstavničkog doma imenuju: Husein Nanić, Slavko Matić i Željko Kuzmanović.

Dom je, s 24 glasa „za“ (iz Federacije BiH 16, iz Republike Srpske osam), jednim „protiv“ i šest „suzdržanih“ glasova, u Zajedničku komisiju radi usaglašavanja identičnog teksta Zakona o slobodnim zonama u BiH imenovao: Huseina Nanića, Slavka Matića i Željka Kuzmanovića.

Ad. 28. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o sportu u BiH

Predsjedavajući Živković rekao je da su domovi Zakon usvojili u različitom tekstu, te da je prijedlog da se iz Predstavničkog doma imenuju: Denis Bećirović, Vinko Zorić i Milica Marković.

Dom je, s 27 glasova „za“ (iz Federacije BiH 16, iz Republike Srpske 11), jednim „protiv“ i šest „suzdržanih“ glasova, imenovao: Denisa Bećirovića, Vinka Zorića i Milicu Marković u Zajedničku komisiju radi usaglašavanja identičnog teksta Zakona o izmjenama i dopunama Zakona o sportu u BiH.

Ad. 29. Davanje saglasnosti za ratifikaciju:

a) Sporazuma o finansiranju između Bosne i Hercegovine i Komisije Evropskih zajednica u pogledu „Jadranskog prekograničnog programa saradnje u okviru IPA-e“

Predsjedavajući je podsjetio da je nadležna Komisija za vanjske poslove dala pozitivno mišljenje o Sporazumu, nakon čega nije bilo rasprave.

Dom je, s 30 glasova "za" (iz Federacije BiH 19, iz Republike Srpske 11), bez glasova „protiv“ i tri „suzdržana“ glasa, dao saglasnost za ratifikaciju Sporazuma.

Time je realiziran dnevni red.

Predsjedavajući Milorad Živković je na kraju zamolio da se, u dogovoru s članovima Proširenog kolegija, razmotri mogućnost da 64. sjednica Doma bude održana 19. umjesto 18. novembra, s obzirom da se tada igra fudbalska utakmica između reprezentacija Bosne i Hercegovine i Portugala.

Sjednica je završena u 20,30 sati.

Sastavni dio Zapisnika je transkript 63. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković